

**Akileraruserinermik ingerlatsineq pillugu Inatsisartut inatsisaata
allanngortinneqarneranik Inatsisartut inatsisaat nr. 14, 22. november 2011-imeersoq
(Akilerarutit sippuutaannit ilanngaassisinnaaneq pillugu erseqqissaaneq)**

§ 1

Akileraruserinermik ingerlatsineq pillugu Inatsisartut inatsisaat nr. 11, 2. november 2006-imeersoq, Inatsisartut inatsisaatigut nr. 2, 8. maj 2010-meersukkut kingullermik allanngortinneqartoq imatut allannguuteqartinneqarpoq:

1. § 25-mi imm. 7-itut ilanngunneqarpoq:

” Imm. 7. Akilerarutit sippuutaannik utertitsinnginnermi makkununnga akiligassaajunnartut utertitassanit ilanngaatigineqassapput:

- 1) aningaasarsianit akilerarutit,
- 2) akitsuutit Namminersorlutik Oqartussat pisassaat,
- 3) aningaasarsianit akilerarutininut tunngatillugu tapiliussat, ernialiussat aamma akiliisitsissutit il.il,
- 4) akiligassat allat Namminersorlutik Oqartussat pisassaat."

Imm. 7 taamaalilluni imm. 8-nngorpoq.

§ 2

Inatsisartut inatsisaat 1. december 2011-mi atuutilissaaq.

Namminersorlutik Oqartussat, ulloq 22. november 2011

Kuupik Kleist